

傷寒論輯義按



小柴胡湯。治挾嵐瘴溪源蒸毒之氣。自嶺以南。地毒苦炎燥溼。在常人多患此狀。血乘上焦。病欲來時。令人迷困甚。則發躁狂妄。亦有啞不能言者。皆由敗毒瘀心。毒涎聚於脾所致。於此藥中。加大黃枳殼各五錢。傷寒蘊要。近代名醫加減法。若胸膈痞滿不寬。或胸中痛。或脇下痞滿。或脇下痛。去人參。加枳殼桔梗各二錢。名柴胡枳殼湯。若胸中痞滿。按之痛者。去人參。加瓜蒌仁三錢。枳殼桔梗各二錢五分。名柴胡陷胸湯。若脉弱虛發熱。口渴不飲水者。人參倍用。加麥門冬一錢五分。五味子十五箇。名參胡清熱飲。又名清熱生脉湯。若脉弦虛發熱。或兩尺且浮無力。此必有先因房事。或曾夢遺走精。或病還不固者。宜加知母黃柏各二錢。牡蠣粉一錢。名滋陰清熱飲。如有欬嗽者。更加五味子十一箇。若脉弦虛發熱口乾。或大便不實。胃弱不食者。加白朮白茯苓白芍藥各一錢五分。



南京中醫藥大學圖書館版權所有

傷寒論輯要抄

名參胡三白湯。若發熱煩渴。脉浮弦而數。小便不利。大便泄利者。加四苓散用之。名柴苓湯。內熱多者。此名協熱而利。加炒黃連一錢五分。白芍藥一錢五分。腹痛倍用。若腹疼惡寒者。去黃芩。加炒白芍藥二錢。桂一錢。名柴胡建中湯。若自汗惡風。腹痛發熱者。亦主之。若心下痞滿。發熱者。加枳實二錢。黃連一錢五分。若血虛發熱。至夜尤甚者。加當歸身川芎白芍各一錢五分。生地黃一錢。若口燥舌乾。津液不足者。去半夏。加括蕁根一錢五分。麥門冬一錢五分。五味子十五箇。若內熱甚者。錯語心煩。不得眠者。加黃連黃柏梔仁各一錢。名柴胡解毒湯。若脉弦長。少陽與陽明合病而熱者。加葛根三錢。白芍藥二錢。名柴葛解肌湯。若脉洪數。無外症。惡熱內熱甚。煩渴飲水者。合白虎湯主之。名參胡石膏湯。醫方攷。瘡發時。一身盡痛。手足沈重。寒多熱少。脉濡者。名曰濕瘡。柴平湯主

之。本方合平胃散。內臺方議曰。如發熱小便不利者。和五苓散。嘔惡者。

加橘紅。胸中痞結者。加枳實。欬逆而發熱者。加丁香柿蒂。嘔吐者。加竹茹。

醫經會解曰。脅下痞悶。去棗。加牡蠣枳實。名小柴胡。加枳實湯。鼻衄加。

生地茅花。痰盛喘。加桑白皮烏梅。口乾舌燥。去半夏。加天花粉貝母。

自汗惡熱。譫語煩渴。去半夏。合白虎湯。正。血虛夜發熱。有小柴胡。

一二證。加當歸芍藥麥門冬熟地。壞證。加鼈甲。本草權度曰。玉莖挺。

長。亦濕熱。小柴胡湯加連有塊。加青皮。外用絲瓜汁。調五倍子數。

血弱氣盡。腠理開。邪氣因入。與正氣相搏。結於脅下。正邪分爭。往來。

寒熱。休作有時。嘿嘿不欲飲食。藏府相連。其痛必下。邪高痛下。故使。

嘔也。小柴胡湯主之。原注。一云。藏府相連。其病必下。脅膈中痛。玉函。飲食作食飲。千金翼同。結作在。使下有其字。

成云人之氣血。隨時盛衰。當月郭空之時。則為血弱氣盡。腠理開疏之時也。



邪氣乘虛。傷人則深。鍼經曰。月郭空則海水東盛。人血氣虛。衛氣去。形獨居。肌肉減。皮膚緩。腠理開。毛髮殘。腠理薄。垢落。常是時遇賊風。則其入深者是矣。邪因正虛。自表之裏。而結於脇下。與正分爭。作往來寒熱。默默不欲飲食。下謂自外之內。經絡與藏府相連。氣隨經。必傳於裏。故曰其痛下。痛一作病。邪在上焦爲邪高。邪漸傳裏爲痛下。裏氣與邪氣相迫。逆而上行。故使嘔也。與小柴胡湯。以解半表半裏之邪。王云。血弱氣盡。至結於脅下。是釋胸脇苦滿句。正邪分爭三句。是釋往來寒熱句。倒裝法也。默默不欲飲食。兼上文滿痛而言。藏府相連四句。釋心煩喜嘔也。柯云。此仲景自註柴胡證。首五句。釋胸脅苦滿之因。正邪三句。釋往來寒熱之義。此下多有闕文。故文理不連屬也。丹云。方氏喻氏程氏張氏魏氏錢氏及金鑑。皆以爲申明熱入血室之由。似於經旨不相叶。不敢從也。



鐵樵按邪高痛下句。觀上下文文理。似乎不誤。然於病證不合。寒熱往來之柴胡證。乃習見者。邪高痛下。則未曾見過。如云少陽證之脅下痛。便是痛下。然若何見得是邪高。且何故邪高痛下。便使嘔。如云當作病下。則使嘔字有着落而下字可活講。作下行高字總不能活講。謂不得作上升解。竊疑此處並無闕文。如有闕文。其句法不能如是之文從字順。其不可解處。或者有待於口授。亦未可知。茲以靈樞經絡篇所言。合之實驗之病證。以鄙意釋之如下。是否如此。不敢武斷。待後賢之論定可也。

肝爲瞭體。專製胆汁。此生理學家之言。故靈素商兌據西說以駁內經。其實內經所言者。完全與生理學解剖學無干。因內經所根據者。爲四時爲生理之形能。以春時之生氣爲肝德。以由憂鬱而得之痛苦爲肝病。其所以以憂鬱歸之肝者。因憂鬱之人。春時無愉快之感。覺反多痛苦之感。覺內經因其



逆生氣故名。此種病爲肝病。所謂此種病者。究何種病乎。曰善怒多疑。體痛嘔逆。甚則手戰。瘰癧。凡有此種種病者。夏秋冬三時均尙可忍。至春季無有不劇發者。故曰逆春氣。因其逆春氣故名之曰肝病。此種種者。自西醫學言之。乃神經病也。多疑善怒爲神經過敏。痛爲神經痛。瘰癧爲神經纖維癭變也。而內經之言。肝則曰在體爲筋。在志爲怒。在變動爲握。豈不甚顯明哉。夫腦爲一身之主宰。豈有醫學而不言此。自後人不知內經所謂肝卽是神經。因疑內經不言腦。非難中醫者。見內經以腦髓與骨脉膽女子胞相提並論。遂以爲內經言腦者。不過爾爾。不知內經學說根本不同。不得據表面膚淺文義。定其優劣。故靈素商兌。自以爲所言極真確。不自知其立說之全非也。惟其所言肝病。卽是神經。故肝胃恆相連。感覺神經病則胃神經亦起變化。於是多鬱者無不嘔。飲食不能消化。而腕中作痛。西人以此種爲胃病。而中



國醫籍則以爲肝病。西籍胃病列諸消化系。而推究其病源。則由於用腦過度。神經衰弱。則與內經靈樞不謀而合矣。試更證諸事實。鄙人前在商務印書館編譯所十年。館中同仁什九皆患胃病者。生活程度高。入不敷出。爲製造此病之真因。然則所謂用腦過度者。憂鬱而已。豈不更顯然明白。足以證明內經之言肝。卽言神經乎。傷寒之少陽證。卽靈樞之足少陽經。靈樞云。足少陽之脉……貫膈絡肝屬膽。循脇裏出氣街……是動則病。口苦善太息。心脇痛……並皆與傷寒論所言相合。膽爲肝之府。少陽病爲膽之經。氣病然則此云藏府相連。府當是指膽。藏當是指肝。少陽之經。氣絡肝屬膽。是藏府相連也。少陽之經。病口苦善太息。善太息則病在胸中。所謂邪高也。少陽之經。循脇裏。少陽病則心脇痛。所謂痛下也。肝膽皆主消化。此與西說胆汁主消化不同。春時精神愉快。食量加增。若多憂鬱。春時則發病。反不能食。內經以肝爲甲木。胆爲乙木。皆屬春。是仍說神經。

邪高痛下。肝膽皆病。胃氣無



有。不。上。逆。者。逆。則。作。嘔。故。云。邪。高。痛。下。故。使。嘔。也。而。曰。小。柴。胡。主。之。然。則。柴。胡。疏。肝。膽。者。也。大。抵。慢。性。之。肝。病。以。疏。肝。為。主。逍。遙。丸。之。柴。胡。是。也。急。性。之。傷。寒。少。陽。證。以。和。解。為。主。大。小。柴。胡。湯。之。柴。胡。是。也。小。柴。胡。之。參。所。以。和。胃。大。柴。胡。之。枳。實。所。以。去。積。是。以。肝。膽。為。正。病。胃。為。副。病。也。不。曰。厥。陰。而。曰。少。陽。者。靈。樞。凡。言。藏。之。經。氣。則。主。本。藏。患。病。凡。言。府。之。經。氣。則。主。榮。衛。津。液。為。病。是。可。知。古。人。以。慢。性。之。肝。病。屬。之。藏。以。急。性。之。少。陽。病。屬。之。府。也。傷。寒。傳。至。三。陰。則。由。府。入。藏。矣。故。厥。陰。是。病。之。深。者。少。陽。是。病。之。淺。者。

服柴胡湯已渴者屬陽明以法治之。

千金翼。已作而。玉函。屬上。有此字。成本。明下有也字。

方云已畢也。渴亦柴胡或為之一證。然非津液不足。水飲停逆則不渴。或為之渴寒熱往來之暫渴也。今服柴胡湯已畢而渴。則非暫渴。其為熱已入胃。亡津液而渴可知。故曰屬陽明也。
錢云。但言以法治之。而不言法者。蓋法



無定法也。假令無形之熱邪在胃，燦其津液，則有白虎湯之法以解之。若津竭胃虛，則又有白虎加人參之法以救之。若有形之實邪，則有小承氣及調胃承氣和胃之法。若大實滿而潮熱讞語大便硬者，則有大承氣攻下之法。若胃氣已實身熱未除者，則有大柴胡兩解之法。若此之類，當隨時應變，因證便宜耳。鄭云：少陽陽明之病機，在嘔渴中分。渴則轉屬陽明，嘔則仍在少陽。如嘔多，雖有陽明證，不可攻之。因病未離少陽也。服柴胡湯渴當止。若服柴胡湯已加渴者，是熱入胃府，耗津消水，此屬陽明胃病也。

鐵樵按：渴者屬陽明，以法治之，謂其法在陽明篇中。錢注似太支蔓。鄭注頗好。然有一義爲自來治傷寒論者所不注意，而其關係絕大者，一知半解，不欲自祕，今爲吾諸同學詳析言之。

自來治傷寒論者，皆以爲病在太陽，其病淺，病在少陽，則稍深，病在陽明，則



傷寒論輯注
更深病在太陽。易治病在少陽。猶之易治病在陽明。則難治。此爲普通一般。治中醫者共有之心理。卽內經亦言皮毛爲淺藏府。爲深淺者。易已深者難治。然而獨此一條傷寒論。卻爲例外。讀者以爲仲聖之意。飲柴胡湯已渴者。屬陽明。爲由淺入深。爲增劇乎。鄙意以爲是不然矣。余於脉學講義。曾言陽明者太陽之已化燥者也。正可與此條互證。太陽化燥固是陽明。然化燥者不拘拘於太陽。一經故少。陽化燥亦屬陽明。陸九芝世補齋醫書中有陽明病釋一篇。屢言陽明無死證。謂陽明經證清之可愈。陽明府證攻之可愈。此其說證之學理。而可通驗之事實。而徵信九芝亦頗自負以爲陽明無死證。是渠一。生心得方之往哲。可以當仁不讓者也。然余則以爲陽明信無死證。但醫者之本領。不在能治陽明之病。而在能使有死證之太陽少陽病得入。此無死證之陽明。一經蓋陽明既無死證。便是安穩無險之境。醫之治病能



南京中醫藥大學圖書館版權所有

置之安全無險之境能事畢矣是故傷寒論一百十三方約之僅得七法曰
汗吐下溫清和補而七法更約之纔得兩法其一使其經不傳其二使其病
傳入陽明問太陽證何故用麻桂青龍曰所以使其經不傳也問少陰證何
故用附子曰使有陰無陽之險證得辛溫而化燥還成可下之證遂能起死
回生所以使其病傳入陽明也以此爲例則知本條之飲柴胡湯而渴者屬
陽明爲病退非病進也熱病中以濕溫爲最難治何以難治卽因其病夾濕
濕不化其熱有所憑藉則不易解溫之不可汗之不應清之不受下之吐之
無其證據旣不能藥之卽愈且其見證開始卽在陽明但惡熱不惡寒口渴
舌絳汗出皆所謂陽明見證特夾溼在內證雖陽明却舌潤不燥陽明之所
以無死證者卽在一清一下已題無剩義今濕阻於中舌旣潤清之則胸脘
痞悶熱不解如故旣不見府證更無可下之理此兩法旣不適用所謂陽明



無險一語乃根本動搖矣。即余所謂陽明者太陽之已化燥者也。及本條飲柴胡湯已渴者屬陽明濕溫一證獨爲例外矣。河間知其然故用茅朮以燥之。其蒼朮白虎湯下自注云茅朮一味最當注意。吳又可知其然故用檳榔立清燥諸方而爲之說曰邪在募原非此不得到胃。溫邪到胃之後舌苔則黃黃然後可以攻下。河間與又可學說雖不同用藥雖不同而意思則同。方法則同。蒼朮檳榔無非使病之在例外者以藥力迫之使之入正軌而已。質言之即病之不肯化燥者使之化燥成爲可清可下之證而已。必明乎此然後可以明白此節渴者屬陽明以法治之語氣輕重之分際與仲聖命意之所在而濕溫之治法與劉河間吳又可陸九芝三人之學說皆可以不煩言而瞭然明白。夫熱病雖千變萬化不外內經陰勝則寒陽勝則熱陽虛則寒陰虛則熱數語（參看脉學講義）此數語一步深一步陰勝則寒是麻桂證



陽勝則熱。是白虎證。陽虛則寒。是附子證。陰虛則熱。是死證。此專指急性而言。內經本意該慢性言。

第三。第四步之危險。全因第一。第二步治之不得法。若一。二步治之得法。決無第三。四步之危險。乃今之時醫。動輒以養陰爲口實。豈知病在三陽時。以能使化燥爲貴乎。陰勝而寒。當使化燥。陽虛而寒。仍貴在能使化燥。乃於陰分未虛之時。開口卽言養陰。動筆卽用石斛。是有意與病爲難。努力杜其化燥之路。仲聖所最認爲難治者。是太陽河間。又可所最得意者。爲茆朮檳榔。九芝所最歡迎者。是陽明經府。而時醫所最擅長者。石斛人類巧拙之差。於此爲極矣。近人奉葉天士爲醫聖。爲其治溫熱初病時。卽能用石斛以保津液。而仲聖之治傷寒。絕不慮及劫津。劉守眞吳又可皆不及天士。將仲景亦不及天士耶。

得病六七日。脉遲浮弱。惡風寒。手足溫。醫二三下之。不能食而脇下



滿痛。面目及身黃。頸項強。小便黃者。與柴胡湯。後必下重。本渴飲水

而嘔者。柴胡不中與也。食穀者噦。

玉函。脉經。上而字。作其人。小便黃。作小便難。千金翼。成本。亦作難。成本。本

渴句。作本渴而飲水嘔者。玉函。不中之間。有復字。喻氏。魏氏。張氏。周氏本。並缺此條。

柯云。浮弱為桂枝脉。惡風寒為桂枝證。然手足溫而身不熱。脉遲為寒。為無

陽。為在藏。是表裏虛寒也。法當溫中散寒。而反二三下之。胃陽喪亡。不能食

矣。食穀則噦。飲水則嘔。虛陽外走。故一身面目悉黃。肺氣不化。故小便難而

渴。營血不足。故頸項強。少陽之樞機無主。故脅下滿痛。此太陽中風之壞病。

非柴胡症矣。與柴胡湯後必下利者。雖有參甘。不禁柴芩之苦寒也。程云。

後必下重者。脾孤而五液注下。液欲下而已無液可下。則虛虛之禍。因裏寒

而益甚耳。遇此之症。無論無裏熱證。即有裏熱證。亦屬假熱。柴胡湯不中與

也。錢云。後謂大便也。下重者。非下體沈重。即大便後重也。若再誤犯穀氣。



則必噦而不治矣。噦者。卽呃逆也。素問寶命全形論云。病深者其聲噦。仲景陽明中風。卽有加噦不治之語。方氏疑末後尙有脫落。不知仲景以不治之證作結。彼竟茫然不知何哉。尙論并棄而不載。又不知何意。前輩用心。終莫知其意指也。錫云。柴胡湯之害非小。今人不明是理。輒以小柴胡爲和解之劑。不問表裏之虛實。而亂投之。且去人參。祇用柴芩等輩。殺人更猛。學者能三復斯言。實蒼生之幸也。知云。後言柴胡證。但見一證便是。此更言脇下滿痛。亦有不宣柴胡者。以爲戒也。

鐵樵按。本節各註家雖無懷疑意。然文字不順。醫理不可通。卽各家註釋。亦多可商鄙人所得者。未知是否。僅據理一爲探討。庶幾後之學者。亦可免盲從之害也。曰脉遲浮弱。惡風寒。誠如柯氏言。爲桂枝脉。桂枝證。僅言脉遲浮弱。不定是不發熱。但與下條對勘。則知此條是不發熱。不發熱。但手足熱。是

虛也。其先當發熱。故醫二三下之。是身熱在下之前。手溫在下之後。假使本不發熱。固無取乎下。假使非誤下。則不至見虛象。是本桂枝證而誤下爲甚確。誤下至於二三。宜乎不能食。脅下滿痛。是脅下滿痛。由誤下而來。若云少陽之樞機無主。卻不敢苟同。凡無病者。胃氣必下降。前文屢言之。不當下而下之。胃氣則上逆。亦反應也。胃氣上逆。藥力持之。因而作痛。脅下雖少陽部位。亦胃之虛里。誤下而痛。蓋胃痛也。何以知是胃。觀本文自明。惟其胃傷。故不能食。亦惟其胃傷。故食穀者噦。本渴飲水而嘔。是水逆。乃胃燥停飲之故。曰柴胡不中與者。明非少陽事也。此下緊接一條。亦云頸項強。手足溫。脇下滿。却云小柴胡主之。同證異治。銜接而列。令讀者比較而自明。此自有深意。蓋邪傳少陽。但見一證。卽是小柴胡。果是少陽樞機無主。而又柴胡不中與。則與下條相背矣。至於張錫駒諄諄以柴胡之害爲戒。卻未能言其所

